

**Fra:** Bente Fitjar (Befi@fitjar.kommune.no)

**Sendt:** 11.05.2017 14:13:11

**Til:** Hordaland Fylkeskommune - Postmottak

**Kopi:**

**Emne:** Høyringsfråsegn, 2014/11042 - frå Fitjar kommune

**Vedlegg:** image001.png

**Fitjar kommune gir fylgjande uttale til forslag til regional kystsoneplan for Sunnhordland og Ytre Hardanger:**

Fitjar kommune ser at det er mange viktige strategiar og punkt i forslaget som ein kan slutta seg til, men og fleire punkt der me er usamde med forslaget.

Fitjar kommune vil gå imot forslaget til arealsoner og overordna arealkart, då det ikkje er heimel for dette i regelverket/ av arealpolitiske årsaker.

Dersom dette likevel blir vedteke:

- Føreset Fitjar kommune at kartet ikkje skal vera juridisk bindande, og planen skal ikkje gje grunnlag for motsegn.
- Fitjar kommune vil og krevja at eksisterande næringsområde innanfor arealsone landskap kan nyttast vidare, og dersom tilhøva elles ligg til rette for det, kan det gjerast flytting/utvikling av eksisterande lokalitetar internt i området.

Fitjar kommune krev at kommunen kan avsette meir sjøareal til akvakultur for større teknologiske nyvinningar eller område for nye artar, og til eksisterande teknologi/artar når dette er formålstenleg for utvikling av eksisterande næringar, og verksemder i kommunen (positiv samfunnsverknad).

Fortøyningar til akvakulturanlegg må kunna gå utanom avsette område til akvakultur så lenge dei tilfredsstillar nasjonale krav til slike fortøyningar.

Fitjar kommune føreset at Interkommunal Strandsoneplan sine reglar skal vera styrande for kystsoneplanen, og ikkje omvendt.

Fitjar kommune har merknader til fylgjande punkt i framlegget: §§ 1.2, 1.3, 1.4, 2.16, 2.22, 2.27, 2.38, 2,40, 3.1.2, 3.3.2, 3.3.6. 3.5.1. Ein viser til grunngjeving i drøftinga ovanfor.

-----  
Saka er handsama i Fitjar formannskap 19.04.17, og Fitjar kommunestyre 26.04.17. Fullstendig sakstifang er å finna her: <http://www.fitjar.kommune.no/politikk/innkallingreferat/kommunestyret>

Med venleg helsing

**Bente Fitjar**

Møtesekretær

Tlf: 53 45 85 45

**Fitjar kommune** • fitjar@fitjar.kommune.no  
Tlf 53 45 85 00 • www.fitjar.kommune.no

